



ҮНДЭСНИЙ АУДИТЫН ГАЗАР

15160 Улаанбаатар хот, Чингэлтэй дүүрэг
Бага тойруу-3, Засгийн газрын IV байр
Утас:26-04-37, Факс:51-26-42-30
E-mail: info@audit.gov.mn

ЗӨВЛӨХИЙН ҮЙЛЧИЛГЭЭ ҮЗҮҮЛЭХ
ХҮСЭЛТЭЙ ХУВЬ ХҮН/БАГ/, ХУУЛИЙН
ЭТГЭЭДЭД

2021.09.16 № 03/2105
танай _____-ны № _____-т

Шинжээч сонгон шалгаруулах
зар хүргүүлэх тухай

Үндэсний аудитын газар нь “Төрөөс эмийн талаар баримтлах бодлогын хэрэгжилт, үр нөлөө”-нд хийх гүйцэтгэлийн аудитын хүрээнд “Эрүүл мэндийн даатгалын сангаас үнийн хөнгөлөлт олгож буй эмийн жагсаалт, хөнгөлөх хэмжээг бодитой тооцсон эсэхэд судалгаа, шинжилгээ хийх, дүгнэлт гаргах, зөвлөмж боловсруулах, эрх зүйн орчин, үйлчилгээ сайжруулах арга замын талаар санал боловсруулах, мэргэжлийн туслалцаа үзүүлэх” зорилгоор шинжээч сонгон шалгаруулж, гэрээ байгуулан хамтран ажиллахаар төлөвлөж байгаа тул зөвлөхийн үйлчилгээ үзүүлэх хүсэлтэй хувь хүн/баг/, хуулийн этгээдийг мэдээллээ ирүүлэхийг урьж байна.

Энэхүү үйл ажиллагаа нь Монгол Улсын Ерөнхий аудиторын 2020 оны А/82 дугаар тушаалын хавсралтаар батлагдсан “Шинжээч сонгон шалгаруулах, гэрээ байгуулах, дүгнэх, гүйцэтгэсэн ажлын чанарыг хянах журам”-ын хүрээнд хэрэгжих болно.

Эрүүл мэндийн даатгалын сангаас үнийн хөнгөлөлт олгож буй эмийн жагсаалт, хөнгөлөх хэмжээг бодитой, тооцоо судалгаанд үндэслэсэн эсэхэд судалгаа хийх, дүгнэлт гаргах, эрдэм шинжилгээний ажил хийсэн туршлагатай, эм зүйн мэргэжлээр мэргэшсэн хүний нөөц бүхий шинжээчийн баг, хуулийн этгээдийг аудитад шинжээчээр ажиллуулах шаардлага үүссэн бөгөөд шинжээч нь Эрүүл мэндийн даатгалын сангаас үнийн хөнгөлөлт олгох зайлшгүй шаардлагатай эмийн нэр төрөл, үнийн дээд хязгаар, хөнгөлөх хэмжээг тогтоосон сүүлийн 5 жилийн үйл ажиллагааг хамруулж, тус зөвлөх үйлчилгээг 2 хүртэл сарын хугацаанд гүйцэтгэх ба дараах ажилбаруудыг хэрэгжүүлж, аудитын талбарын болон тайлагналын үе шатны үйл ажиллагаанд шаардлагатай мэргэжлийн, шинжлэх ухааны үндэслэлтэй санал, дүгнэлт гарган, зөвлөмж боловсруулна. Үүнд:

- Зонхилон тохиолдох өвчин эмгэгийн эмчилгээ, оношилгоонд шаардагдах эм, эмнэлгийн хэрэгслийн жагсаалтыг оновчтой тодорхойлж, үнийн хөнгөлөх хэмжээг бодитой тооцсон эсэхэд дүн шинжилгээ хийх, санал боловсруулж, дүгнэлт, тайлан, зөвлөмж гаргах;
- Эрүүл мэндийн даатгалаар иргэнд зайлшгүй шаардлагатай зарим эмийг улсын төсөв болон эрүүл мэндийн даатгалын сангаас санхүүжүүлэхдээ эдийн засгийн бодит тооцоо судалгаанд үндэслэн төлөвлөж, санхүүжүүлсэн эсэхэд дүн шинжилгээ хийх, санал боловсруулж, дүгнэлт, тайлан, зөвлөмж гаргах;
- Эрүүл мэндийн даатгалаар иргэнд зайлшгүй шаардлагатай зарим эмийн зардлыг улсын төсөв болон эрүүл мэндийн даатгалын сангаас санхүүжүүлэх өнөөгийн тогтолцоо, явуулж буй бодлого, үйл ажиллагаа хэрэгцээ, шаардлагад нийцэж байгаа эсэхэд дүн шинжилгээ хийх, санал боловсруулж, дүгнэлт, тайлан, зөвлөмж гаргах;

- Эрүүл мэндийн даатгалаар иргэнд зайлшгүй шаардлагатай зарим эмийн зардлыг улсын төсөв болон эрүүл мэндийн даатгалын сангаас санхүүжүүлсэн хөрөнгийн үр дүн, үр ашиг, үр нөлөөнд дүн шинжилгээ хийх, санал боловсруулж, дүгнэлт, тайлан, зөвлөмж гаргах;
- Төрийн өмчийн эмнэлгүүдийг зайлшгүй шаардлагатай эмээр жигд, тасралтгүй хангах зардлыг улсын төсвөөс олгодог тогтолцоонд дүн шинжилгээ хийх, санал боловсруулж, дүгнэлт, тайлан, зөвлөмж гаргах зэрэг болно.

Шинжээч нь ажлын даалгаварт тусгасан ажлыг чанарын өндөр түвшинд гүйцэтгэж, ажлын үр дүнг илтгэсэн шинжээчийн тайлан бичиж, гэрээнд заасан хугацаанд аудитын багт хүлээлгэн өгнө.

Иймд мэдээллээ ирүүлж буй зөвлөх шинжээч нь дээрх зөвлөх үйлчилгээг гүйцэтгэхээ илэрхийлсэн албан хүсэлт ирүүлэхээс гадна дараах мэдээллийг ирүүлнэ. Үүнд:

Хуулийн этгээд бол:

- Улсын бүртгэлийн гэрчилгээний хуулбар;
- Татварын өргүй тухай тодорхойлолт/;
- Нийгмийн даатгалын шимтгэлийн өргүй тодорхойлолт/;
- Шүүхийн төрөлжсөн архивын тодорхойлолт;
- Гүйцэтгэсэн ижил төстэй зөвлөх үйлчилгээний 2018,2019,2020 оны мэдээлэл;
- Ажилтны анкет, боловсрол, мэргэшлийн гэрчилгээний хуулбар;
- Ажилтны нийгмийн даатгалын цахим лавлагаа /сүүлийн 1 жилээр/;
- Сүүлийн 2 жил /2019, 2021 он/-ийн санхүүгийн тайлан аудитын дүгнэлт.

Хувь хүн/баг бол:

- Иргэний үнэмлэхийн хуулбар;
- Анкет /CV/;
- Боловсрол, мэргэшлийн гэрчилгээний хуулбар;
- Гүйцэтгэсэн ижил төстэй зөвлөх үйлчилгээний мэдээлэл /сүүлийн 3 жилээр/;
- Багийн гишүүдийн хамтран ажиллах гэрээ /нотариатаар баталгаажуулсан/;

Шинжээч нь тухайн аудитад оролцоход ашиг сонирхлын зөрчилгүй, хувь хүн, байгууллага, албаны болон төрийн нууцыг задруулахгүй гэдгээ бүрэн илэрхийлж, эм зүйн чиглэлээр үйл ажиллагаа явуулдаг нийгэмлэг, холбоод, төрийн бус байгууллагууд болон эм, эмнэлгийн хэрэгсэл үйлдвэрлэгч, борлуулагч, бусад хамаарал бүхий этгээдээс гэрээт ажил үүрэгт нөлөөлөхүйц аливаа харилцаанаас ангид байж, гэрээгээр хүлээсэн үүргээ тэгш шударгаар хэрэгжүүлж, Үндэсний аудитын газартай нэгдмэл сонирхолтойгоор хамтран ажиллана.

Шинжээчид тавигдах шаардлага, ажлын туршлага: Үүнд:

Хуулийн этгээд (түншлэл)-ийн хувьд:

- Зөвлөх үйлчилгээ үзүүлж байсан ажлын туршлагатай байх;
- Эрүүл мэндийн салбарын хууль, тогтоомж, норм, нормативын баримт бичигт судалгаа хийж, холбогдох мэргэжлийн дүгнэлт гаргасан туршлагатай байх;
- Эрүүл мэндийн даатгалын сангаас үнийн хөнгөлөлт олгож буй эмийн жагсаалт, хөнгөлөлт
- Эмзүй, эмнэлзүйн судалгаа, эрдэм шинжилгээний үндсэн чиг үүрэг хэрэгжүүлдэг байх;
- Өөрийн судалгаа, шинжилгээний лабораторитой байвал давуу байдал болно.

Ажиллах хүчний шаардлага:

- Эм зүйн шинжлэх ухааны эмийн эдийн засаг, маркетинг, эмийн чанар, аюулгүй байдлаар талаар судалгаа хийж, дүн шинжилгээ боловсруулах мэргэжлийн боловсон хүчний нөөцтэй байх;
- Эм зүйн шинжлэх ухааны эмийн эдийн засаг, маркетинг, эмийн чанар, аюулгүй байдал, эмнэл зүй, эм зүйн талаар мэргэжлийн эрдэм шинжилгээ, судалгаа хийх 3-аас дээш эрдэмтэн судлаачтай байх.

Багийн хувьд:

- Эм зүйн зөвлөх үйлчилгээний чиглэлээр ажилласан туршлагатай байх;
- Эрүүл мэндийн болон эмзүйн салбарын хууль, тогтоомж, норм, нормативын баримт бичигт судалгаа хийж, холбогдох мэргэжлийн дүгнэлт гаргуулсан туршлагатай байх;
- Мэргэжлийн англи хэлний зохих түвшний мэдлэгтэй байх;
- Эрүүл мэнд, эм зүйн чиглэлээр судалгаа, эрдэм шинжилгээний ажил хийж дүгнэлт, зөвлөмж гаргасан туршлагатай байх;
- Багийн ахлагч болон гишүүд нь эм зүй, эмнэлзүйн чиглэлээр 5 ба түүнээс дээш жил ажилласан, тухай чиглэлээр нарийн мэргэшсэн, магистр болон түүнээс дээш боловсролын зэрэг, цолтой, эрүүл мэнд, эм зүй, эмнэлзүйн шинжээч, судлаач, эрдэмтэн, эрдэм шинжилгээний ажилтан зэргээр тухайн салбартаа мэргэшсэн байх;
- Судалгааны багийн ахлагч болон гишүүд нь эм зүйн чиглэлээр үйл ажиллагаа явуулдаг, гишүүддээ үйлчилдэг нийгэмлэг, холбоодын гишүүнчлэлгүй байх.

Шинжээч нь Монгол Улсын холбогдох хууль тогтоомжийг үйл ажиллагаандаа мөрдлөг болгон гэрээ, ажлын даалгаварт заасан ажлыг мэргэжлийн болон чанарын өндөр түвшинд хийж, шаардлагатай судалгаа, шинжилгээ, тооцоо, тайлан бусад ажлыг хугацаанд нь үнэн зөв чанартай хийж гүйцэтгэнэ.


Чадварыг нэмэгдүүлж сайжруулах зорилгоор зөвлөхүүд түншлэлийн хэлбэрээр оролцож болох ба Түншлэлийн гэрээ байгуулан баталгаажуулж ирүүлэх шаардлагатай.

Сонирхсон этгээд нь холбогдох мэдээллийг 2021 оны 09 дүгээр сарын 21-ний өдрийн 17 цаг 00 минутаас өмнө авч болох бөгөөд мэдүүлгээ 2021 оны 09 дүгээр сарын 22-ны өдрийн 09 цаг 00 минутын дотор цахим /pdf файл/ хэлбэрээр дараах хаягаар илгээнэ үү.

Үндэсний аудитын газрын Санхүү, хөрөнгө оруулалтын хэлтсийн Худалдан авах үйл ажиллагаа хариуцсан шинжээч Н.Цэнд-Аюуш. tsend-ayushn@audit.gov.mn. Гар утас: 88051068. Хугацаа хоцроосон мэдүүлгийг хүлээн авахгүй болно.

Захиалагчийн хаяг: 15160 Улаанбаатар хот, Чингэлтэй дүүрэг,
Бага тойруу-3, Засгийн газрын IV байр, Үндэсний аудитын газар,
Утас: 51-263533. www.audit.mn

ТАМГЫН ДАРГА



Ц.ГАНБОЛД